



OPĆINSKO VIJEĆE ILIJAŠ

**Odgovori na vijećnička pitanja i inicijative sa 24. sjednice Općinskog vijeća Ilijaš
održane dana 30.10.2018.godine**

Ilijaš: Novembar 2018.godine

Općina Ilijaš, ulica 126. ilijaške brigade br. 6., 71380 Ilijaš
tel. (+387 33) 580-620, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (+387 33) 580-633, 580-672, 580-669



Broj certifikata:CR14625Q

ALMIR ŠPIODIĆ – vijećnik BPS-Sefer Halilović

Inicijativa: "Pokrećem inicijativu da se hitno riješi sanacija puta na Vratuši. Radi se o putu koji povezuje preko 150 domaćinstava sa putem Podlugovi-Mrakovo, kod kontejnera na Vratuši. Pomenuti put je gotovo pa neprohodan od udarnih rupa i ulegnuća koja su nastala prilikom izvođenja radova BH Telekomu i velikih padavina tokom proljeća ove godine. Na moju inicijativu na jednoj od prethodnih sjednica Vijeća na teren su izlazili stručnjaci iz službe za puteve i sačinili predmjer i predračun radova kako bi se izvršila sanacija tog puta u dužini od oko 400 m. Međutim, sanacija nikad nije izvršena. Molim nadležnu općinsku službu i načelnika da poduzmu sve mjere kako bi se ovaj put do zime sanirao".

Odgovor: Služba je izašla na teren i utvrdila činjenično stanje, ovu inicijativu ćemo pokušati riješiti u narednom periodu u skladu sa finansijskim mogućnostima.

AKIF BEŠLIJA – vijećnik SBB-a

Inicijativa: "Pokrećem inicijativu da na putnu komunikaciju Ljubina-Korita, tačnije Povoča, izađe nadležna općinska služba i utvrdi činjenično stanje koje se odnosi na uništavanje postojećeg asfaltnog puta i odlaganje smeća. Obrazloženje: Radi se o tome da se vrši sječa i izvoz ogrjevnog drveta od strane trećih lica, te tom prilikom dolazi do oštećivanja postojećeg asfalta, začepljenja postojećih kanala, urušavanja korita rijeke Povoča koja za vrijeme obilnijih padavina predstavlja veliki problem u izlivanju i plavljenju kuća u Ljubini i ostavljanja smeća. Molim nadležnu općinsku službu da izađe na teren, utvrdi činjenično stanje, te poduzme odgovarajuće mjere".

Odgovor: Izlaskom na teren utvrđeno da na putu postoje oštećenja u vidu mrežastih pukotina i udubljenja na pojedinim mjestima, ali nije ugroženo odvijanje saobraćaja. U krugu lovačkog doma nalazi se jedna gomila građevinskog šuta i još jedna gomila građevinskog šuta u potoku (vjerovatno porijeklo od lovačkog doma), dvije gomile granja, manji broj komada razbacanih boca i patrona od lovačke municije. Duž asfaltnog puta preko rijeke Povoča vidljivo je više divljih prelaza koji služe za transport drveta.

ADEM ALIĆ – vijećnik SDA

Pitanje 1: "Zašto se tako dugo odugovlači rješavanje površinskih/atmosferskih voda u dijelu naselja Mrakovo? Obrazloženje: Veliki broj građana koji je ugrožen navedenom elementarnom nepogodom postavlja gore navedeno pitanje, jer do sada nije ništa operativno urađeno. Puno je vremena utrošeno na to ko? Kako? i kada? problem riješiti? Veliki naponi su od strane organa MZ Mrakovo uloženi iz imovinsko-pravne naravi, da se dobiju saglasnosti građana kroz čije parcele prolazi trasa za odvodnju površinskih tj. atmosferskih voda. Krajnje je vrijeme, jer nadolazeće vremenske prilike donose ogromne padavine i time se ugrožavaju ljudski životi i njihova materijalna dobra".

Odgovor: Zbog stalnih promjena mišljenja vlasnika parcela kroz koje prolazi planirana odvodnja vode nismo bili u mogućnosti realizirati ovaj projekat. Nakon angažovanja Službe i Predsjednika Savjeta MZ Mrakovo došlo je do rješenja i ovo pitanje će se riješiti angažovanjem JKP "Vodostan" d.o.o. Ilijaš.

Pitanje 2: "Zašto se od strane nadležnog općinskog organa i Direkcije za puteve KS odugovlači problem rješavanja horizontalne i vertikalne signalizacije na putu Ilijaš-Popovići? Obrazloženje: Smatramo da je što prije i neophodno otpočeti sa rješavanjem horizontalne i vertikalne signalizacije na gore navedenom putu, jer postoje sve pretpostavke za realizacijom isti. Više puta, a najsvježiji događaj se desio 25.10.2018. godine je N.N osoba velikom brzinom divljala na dionici puta od granice MZ sa južne strane do oštre krivine u naselju Mrakovo. Raniji prekršaji slične i druge naravi registrovani su u MUP KS PS Ilijaš".

Odgovor: Izvedeni su radovi na postavljanju horizontalne i vertikalne signalizacije na putu Ilijaš-Salkanov Han-Popovići, a u toku su radovi na putu Stari Ilijaš-Misoča.

Služba za saobraćaj,
stambeno-komunalne poslove i građenje